



二酉堂叢書  
世本  
卯

14  
1124  
4





1124

世本卷第五

漢王業從事宋衷注

或威張

謝稗集補注

王侯大夫謹

澍按隨書經籍志云世本王侯大夫謹二卷書釋文引王侯

世本

魯謹

魯公伯禽卒子考公就左考公卒弟煬公熙左煬公卒子幽公  
圉左十四季弟弗殺幽公而自左是為微公微公卒子厲公瞿  
左厲公卒弟獻公具左獻公卒子慎公摯左慎公卒弟或公敖

左史記  
左索隱

世本

卷五

Red circular seal impression on the back cover.



澍按考公就史記作者公首鄒誕作道幽公園史記作幽公  
宰微公史記作魏公微公左傳釋文引世本又作徽公鼻索  
隱引不同當係字誤微公弗索隱又引作弗甚史記作魏公  
潰翟史記作擢慎公摯史記作慎公溥世表作真公溥鄒誕  
本作鼻左傳釋文引世本慎公作順公又按魯世家自伯禽  
至成公凡九君祇五世其名諡見世本者凡七君而禮明堂  
佐疏引世本云伯禽生煬公熙熙生微公弗弗生獻公具具  
生或父敖不數考公幽公厲公真公者孔穎達蓋目證明鄭  
注或公爲伯禽元孫耳非脫誤也今依史記索隱補次之  
孝公生惠公弗皇弗皇生隱公息姑史記索隱

澍按史記世家作弗湟季表作弗生息姑史記無姑字又按  
孝公名稱懿公戲之子隱公爲惠公長庶子也

桓公名軌史記索隱

澍按軌史記作名允

閔公啟方左闕元季疏

澍按閔侯表作潛律厯志作愍索隱引世本無方字啟史記  
作開避諱脫方字

昭公名稠史記索隱

澍按稠史記作稠徐廣云一作裕音紹也

哀公蔣生悼公寧寧生元公嘉嘉生穆公不衍檀弓上疏



澍按蔣史記作將世表云悼公宣時三桓勝魯如小侯史記  
穆公名顯索隱引世本云魯元公子不衍為穆公

景公生平公子旅

史記索隱

澍按一引云景公子旅為平公旅史記世家作叔

平公生湣公子賈

史記索隱

澍按御覽引云平公子賈為湣公湣史記作文

魯孝公生僖伯彊彊生哀伯達達生伯氏瓶瓶生文仲辰

禮器疏

莊二十八季疏

澍按僖伯即公子彊字子臧其孫始曰臧為氏左傳於僖伯  
上已加臧字蓋追言之又按陸淳纂例曰臧孫辰為哀伯子

蓋未考此書

辰生宣叔叔生賈賈生會

禮記正義

澍按宣叔叔孫許也為司寇子紇宣叔叔取於鑄生臧賈臧為  
鑄女姬繼室曰其姪穆姜之姨子生紇紇出奔邾使告臧賈  
且致大蔡臧會昭伯從弟竊其寶龜句偻曰卜會子曰賓如  
哀公八年如齊蒞盟

臧會臧頃伯也宣叔叔之孫臯昭伯賜為從父昆弟也

史記索隱

澍按昭二十五季傳會臧昭伯之從弟也賈遠左傳解詁云

昭伯名賜李鏞尚史不知昭伯之名由未見賈景伯注

桓公生僖叔牙牙生戴伯茲茲生莊叔得臣得臣生穆叔豹



生昭子媯媯生成子不敢不敢生或叔州仇檀弓上疏

澍按叔牙慶父同母弟茲即公孫茲為叔孫氏得臣獲長狄

僑如目名其子豹僑如弟媯豹庶子又按州仇之子舒為叔

孫文子

桓公生僖叔牙叔牙生或仲休休生惠伯彭生彭生皮為叔仲

氏檀弓下疏

澍按惠伯父公孫茲祖叔牙卓惠叔從祖昆弟蘓東坡曰惠

叔為惠伯誤惠叔名難公孫敖之次子內史服所謂難也收

子者彭生左傳亦作彭生是為叔仲惠伯一引脫生字據世

本言彭生子皮乃為叔仲氏也又按彭生之孫叔孫帶為叔

仲昭伯帶子小是為叔仲穆子

季友生仲無佚無佚生行父穀梁文六季疏

澍按季友字季子桓公少子莊公母弟成季也是為季孫氏

范甯穀梁注云行父季友生昇世本異

公子友生齊仲齊仲生無逸無逸生行父生夙檀弓上疏

澍按此引分齊仲無佚為二人穀梁疏引云季友生仲無佚

無佚生行父昇此異夙即季孫宿諡或子一引云行父生或

子夙又按左杜注云行父季孫友子當云季友孫

悼子紇生穆伯靖檀弓下疏

澍按季孫宿之子二公彌紇紇去嗣季孫氏卒子意如嗣公



彌別為公鉏氏魯語公父穆伯之子為文伯名歆也

悼子霍生平子意如意如生桓子斯斯生康子肥檀弓下疏

澍按左疏引云悼子紇生穆伯靖及平子意如意如生桓子

斯斯生康子肥霍弁紇古字通

桓公生慶父慶父生穆伯敖敖生文伯穀穀生獻子蔑檀弓下疏

澍按慶父即共伯莊公庶兄穆伯魯語伯孟文子穀諡曰文

弟難諡曰惠

獻子蔑生孝伯孝伯生惠伯惠伯生昭伯昭伯生景伯檀弓上疏

澍按魯語仲孫它韋注獻子之子子服它也又按莊子之叔

子仲孫羯為孟僖子亦曰孝伯非子服氏惠伯即子服湫字

孟椒昭伯名回景伯名何困學紀聞云東坡解孟莊子之孝

為獻子葉石林謂曰獻子為穆伯之子曰惠叔為惠伯讀左

氏不精二者皆誤獻子乃公孫敖之孫

叔肸生聲伯嬰齊嬰齊生叔老叔老生叔弓檀弓下疏

澍按叔肸文公子宣公母弟嬰齊為公孫嬰齊叔老即子叔

齊子為叔肸孫曰叔為氏叔弓即敬子

叔弓生定伯閔閔生西巷敬叔叔生成子還左定公十季疏

澍按敬叔是南宮此云西巷未知何據又按左傳叔弓子二

輒鞅輒字伯張哭日食而死鞅嗣叔弓曾孫還還子青據世

本還為叔弓曾孫杜注左曰還為叔詣曾孫誤矣



仲孫獲生南宮縉

檀弓上疏

樹桉孟僖子名饗孝伯之子左傳無仲孫獲疑獲為饗字之

譌文

敬叔桓公七世孫

檀弓下疏

敬叔弁懿子皆孟僖子之子

史記索隱

樹桉仲孫饗是為孟僖子子仲孫何忌諡懿子敬叔即仲孫

說亦曰南宮敬叔左傳亦然而史記不目敬叔為僖子之子

蓋誤

惠伯是桓公六世孫

檀弓下疏

樹桉魯有兩惠伯一昆叔仲惠伯弁惠叔為從祖昆弟一昆

子服惠伯名椒孟獻子之孫於惠叔為從曾孫又桉世系目

虺為惠伯子世謹則目為兄考左傳宐是子全紹衣曰叔仲

昭伯乃虺也據杜氏則昭伯名帶左傳帶之名見於策或者

本名虺而後改為帶也不知帶本蛇名淮南子萬畢術所云

即且甘帶是也虺原為蛇則帶之即虺審矣

仲述莊公之子東門襄仲

檀弓下疏

樹桉公子遂是為襄仲居東門故曰東門公孫敖之從父昆

弟也述史記作遂鄒誕本伯秣遂述字通

東門述產子家翬父及昭子子嬰

史記索隱太平御覽

樹桉襄仲子二公孫翬父仲嬰齊翬父字子家翬父奔齊魯



使其弟嬰齊紹其後為仲氏司馬貞曰子家駒魯大夫仲叔氏之族字懿伯楊倞曰子家羈公子慶父之孫懿父之後名羈字駒按仲孫氏出自桓公且懿伯為子家諡非字也司馬失之楊氏謂羈為懿父之後則是桓公之孫非莊公之孫非杜注又異

施伯魯惠公孫史記正義

樹按公子尾之子施父施伯施父之子事莊公齊桓公請管仲伯勸殺仲而曰其屍授之又惠公五世孫有施孝叔公孫嬰齊嫁其外妹於孝叔

未詳

宋濬公生弗甫何弗甫何生宋父宋父生正考甫正考甫生孔父嘉為宋司馬箒督殺之而絕其世其子木金父降為士木金父生祁父祁父生防叔為箒氏所偪奔魯為防大夫故曰防叔防叔生伯夏伯夏生叔梁紇叔梁紇生仲尼詩那正義

樹按因學紀聞引世本云正考甫生孔父嘉為宋司馬箒督殺之而絕其世又按潛夫論氏姓志云弗父何生宋父周周生世子勝勝生正考父詩頌疏引世本脫去世子一代宋父下脫周字祁父家語作皋夷漢書梅福傳綏和元年昌世本相明封孔子世是皆據此文也

孔子後數世皆一子檀弓上疏



澍按家語本姓篇云仲尼生鯉字伯魚鯉生伋字子思伋生  
白字子上齊威王相白生求字子家求生箕字子京魏相箕  
生穿字子高穿生城字子順魏文侯相是孔子數世後皆一  
子之證也

孔子生有異質凡四十九表反背張面大角日準河日海口龍  
顙斗鬚白顏均頤輔喉駢齒龍形龜脊虎掌駢脅修肱參鷹圻  
頂山臍林背翼鬣注頭阜頰堤脅地足言竅雷聲澤腹脩上趨  
下朱僂耳後面如蒙俱手坐過膝耳坐珠庭脅十二朶目六十  
四理鬻大十圍長九尺有六寸時人謂之長人太如鳳峙坐如  
龍蹲手握天文足履度字望之如仆就之如升視若營四溟躬

履謙讓腹有文曰制作定世符

澍按路史記孔子四十九表堤脅言竅參鬣駢脅鬻大十圍  
長尺十有六寸時人謂之長人圻頂反背張面云事詳世本  
是祖庭記依世本文為說也今據補

桓公生向父胙胙生司城訾守訾守生小司寇鱣及合左師左成

季十五疏

澍按春秋大事表引世本合左師三字伯及向戌又按合左  
師即向戌也胙一引作盼廣韻作盱合非姓乃所食之邑

向戌生東鄰叔子超超生左師眇眇即向巢也

檀弓上疏

澍按魁是巢之弟故鄭注檀弓云向戌孫杜氏注左云曾孫



誤

桓公生公子鱗鱗生東鄉矐左文七季疏

澍按鱗矐桓公孫事成公成公薨昭公將去羣公子穆襄之

族攻公矐和公室昭公乃大昭公遇弒事文公子朱為少司

寇

莊公生右師成生司城師左成十五季疏

澍按公子成莊公子也等元代為右師杜預云成逮事昭公

昭上距莊九十餘季疑成非莊公子或成為莊公末季所生

歿至昭公時已八十餘歲矣陸德明曰成本作成音恤又按

師公孫師也莊公孫文公殺昭公而自左二季昭公子將奉

公母弟須臾作亂公殺須及昭公子使師為司城師子仲江

江事平公江之孫幾事元公

襄公子墨夷須為大司馬其後有墨夷廣韻

澍按風信通云宋大夫有墨夷須墨夷鳩墨夷皋皋字

宋莊公孫名固為大司馬史記正義

澍按杜注固莊公之孫公孫固也韋昭國語注固宋莊公之

孫大司馬固也文七季樂穆之族殺公孫固時樂豫為司馬

泖之戰子魚為司馬是大司馬宋之孤卿也

樂氏本戴公生樂甫術術生頤甫澤澤生季甫甫生子僕伊泉

樂豫左文公七季疏



澍按文十八季疏引世本云戴公生樂甫術術生頤父澤澤  
 生夷父須須生大司寇呂弁此微異又按唐表術伯衍季伯  
 夷頤伯頤豫伯呂樂豫曾為司馬呂讓公子印杜預呂樂豫  
 為戴公曾孫非也蓋子孫且世表呂樂呂即樂豫李錯呂樂  
 呂為樂舉疑非三國志廣韻並作莒氏族略云公子衍曾孫  
 樂莒莒孫喜

戴公生樂甫術術生石甫繹繹生夷父頤頤生東鄉克克生西  
 鄉士曹曹生子罕喜檀弓下疏

澍按左疏引世本云須生大司寇呂而此疏引云頤生東鄉  
 克傾乃須之譌蓋須有二子曰呂曰克子罕是克之孫或疑

克即呂非唐書世系表樂呂孫喜喜生司城子罕分喜弁子  
 罕為二人誤鄭公子喜字子罕則樂喜之為子罕無疑也史  
 記鄒陽曰宋信子罕之計而囚墨翟書作子冉文穎注呂  
 子冉為子罕漢書鄒陽傳注亦曰子冉即子罕也又頤后澤  
 繹須頤夷季皆字轉寫之譌

樂父督宋戴公之孫好父叔之子左桓二季疏

澍按左隱八季疏引世本云戴公孫好父說而廣韻作者父  
 樂督生世子家世子家生樂孫御事樂孫御事生樂元右師左

十六季疏

澍按樂御事樂父督之孫御事為司寇事成公成公十七季

世本



鹿昭公將去羣公子穆襄之族攻公御事和公室子元初事昭公代公子成爲右師子二闕臣

樂懼戴公六世孫

左成十六季疏

澍按杜預注左依此文又按左傳無樂懼宜伯樂舉

宋公子目夷之後曰目夷爲氏

辨證

澍按潛夫論云目夷氏子姓宋微子後路史國名記云徐之滕東有目夷亭蓋取於地曰命名後曰爲氏也左傳宋公疾太子請曰目夷長且仁君其去之目夷辭曰不順史記宋世家太子茲甫讓其庶兄目夷爲嗣故杜注云目夷襄公庶兄而說苑左節篇云目夷是宋桓公後妻子太子請曰使目夷

去臣爲相兄曰佐之曰夷辭曰弟去而兄在下不義乃逃之衛又曰曰夷爲庶弟

世子家生秀老秀老生司徒鄭鄭生司徒喜

成十五季疏

澍按氏族譜引世本氏姓篇云宋等氏有等季老子孫氏焉此秀字宜伯季又按鄭卽向鄭亦卽公孫鄭也爲穆襄之族殺喜等喜共公時爲司徒

蕩氏本公孫壽生大司馬虺虺生司馬澤

成十五季疏

澍按壽桓公子公子蕩之子蕩於桓公時爲司城壽事文公共公蕩虺意諸弟蕩澤意諸子字子山一名山事共公宋大夫東鄉爲人

廣韻



澍按服虔云東鄉爲人之子大司馬椒也蓋卽皇鄭又按東鄉爲人卽向爲人爲大司寇鼻魚后鱗朱向帶魚府出奔楚廣韻引世本爲下脫人字今補

宋有大夫考成方

廣韻

澍按宋有老氏出戴公後有老成氏此引作考疑非是列子

周穆王篇有老成子廣韻引列子又作考成是古老考通也

宋大夫西鉏吾西鄉鎡

廣韻

澍按襄公九年傳宋災子罕爲政使西鉏吾庀府守又按吾爲太宰事平公平公三年營納魚石彭城我患之吾曰大國無厭鄙我猶憾不然而收吾憎使贊其政目閒吾釁亦吾患

也釋文吾音魚又按姓苑宋有太宰鎡君或卽西鄉鎡也

師延氏宋有樂人師延世掌樂職後有宋大夫師延宣

廣韻

齊謹

太公望生丁公伋伋生乙公得得生廼公慈母慈母生哀公不

臣檀弓宋衷云哀公荒淫田游史伋還諱呂刺之也索隱

澍按左傳服注呂伋成王之舅廼公索隱引世本伋祭公古史考伋祭公慈心史記伋祭公不臣史記伋不辰又按哀公時紀侯譖之周夷王王烹哀而立其弟靜是爲胡公靜一伋靖

哀公同母少弟山怨胡公攻殺胡公而自立是爲獻公宋注其



黨周馬繻人將胡公於貝水殺之而山自大

索隱

澍按宋仲子注補此又按楚語沈諸梁曰魯齊騶馬繻曰胡

公入於貝水韋昭注騶馬繻齊大夫也胡公齊太公系孫之

子胡公靖也虐馬繻馬繻殺胡公內之貝水其說與世本宋

仲子注均違異又按獻公元季盡逐胡公子因徙薄姑都臨

苗

成公壽

史記索隱

宋哀云成公十季宣王大臣共行政故號曰共和

十四季宣王即佐

澍按司馬貞云成公壽太公五代孫獻公子也子厲公名无

忌厲公子亦是為文公

成公名說

史記索隱

澍按史記古史考說在脫左九季子莊公

莊公名贖

史記索隱

澍按史記贖作購是時犬戎殺幽王周東遷莊公子名祿父

是為僖公

靈公名環莊公名光景公名杵臼

史記索隱

澍按靈公為頃公無野子在佐二十八季環公辛作瑗子莊

公母曰驪聲姬在佐六季景公靈公子崔杼殺莊公左杵臼

而相之在佐五十八季子悼公名陽生

田常左簡公弟騫是為敬公

史記索隱



澍按敬公史記作平公司馬貞引譙周古史考曰世本為誤  
又按兩世家曰平公為簡公弟人表云簡子非也簡公名壬  
陳恒弑之而左驚在位二十五季子積是為宣公

管氏本莊仲山產敬仲夷吾夷吾產成子鳴鳴產桓子啟方啟  
方產成子孺孺產莊子盧盧產悼子其夷其夷產襄子成成產  
景子耐步耐步產微凡十代史記索隱

澍按左僖公十二年傳管氏之世祀也宜哉孔疏世族謹管  
氏出自周穆王成十一年傳有齊管于奚謚曰為雜人則非  
管仲之子孫哀十六年傳稱楚白公殺齊管修杜云管修楚  
賢大夫故齊管仲之後

頃公生子夏勝勝生子后青左昭二十二年疏

澍按哀十一年魯會吳伐齊宗樓鼻間丘明相厲桑掩胥御  
國書公孫夏曰二子必死將戰夏命其徒歌虞殯戰敗死之  
青字子后衛齊豹之亂靈公如死鼻會公使青聘於衛勝疑  
公孫捷也

高氏本敬仲生莊子莊子生頃子頃子生宣子宣子生厚厚生  
止左昭二十二年疏

澍按唐世系表齊太公六世孫文公赤生公子高孫侯為上  
卿弁管仲合諸侯有功桓公命侯曰王父字為氏食邑於盧  
諡曰敬仲世為上卿敬仲生莊子虎虎生頃子頃子生宣子



固生厚生子麗子麗生止奔燕未知何據止字子容為大夫事景公又按劉炫左傳述義云據世本高止敬仲子孫之子不左止近親遠取敬仲曾孫者齊人賢敬仲故繫之言敬仲曾孫則此人祖父皆非正適今別左之遠繼敬仲後高止祖父皆絕其祀也風信通言俟采高堂昇世表說異

傾子之孫或子偃左襄公二十九季疏

澍按昭十二季疏引世本云傾子之孫鄰又按左襄二十九季傳高敬仲之曾孫鄰昭公十二季傳稱高偃孔穎達謂世族謚曰鄰弁偃為一人蓋鄰偃聲相近而字為二耳但傳曰鄰為敬仲曾孫世本曰鄰為敬仲元孫世本有鄰無偃曰此

知為一人昭十二季杜注曰高偃敬仲元孫據世本也偃子

高張是為高昭子

僖子生昭子莊簡子齒宣子其夷穆子安廩丘子鑿齒也子盈

惠子得左哀二十四季疏 史記索隱

澍按索隱引世本云陳僖子乞產成子常簡子齒宣子其夷穆子安廩丘子尚鑿茲子也盈惠子得凡七人昇此微異杜注夷上無其字鑿作意又取昭子莊曰充八人之數然世本昭子是桓子之子成子之叔父又不名莊杜氏誤也

昭子將來桓子之子成子之叔父太平御覽

陳完卒諡敬仲子夷孟思夷孟思之子曰閔孟克閔孟克之子



曰陳須無

史記索隱

澍按閱一引作閩誤史記田完世家敬仲生穉孟夷夷生潛孟莊莊生文子須無索隱云穉是名孟夷字也又按完陳厲公子莊二十二季陳人殺宣公太子御說完奔齊須無完曾孫文子也子無字

陳桓子無字產子魯魯產子獻獻產御鞅

史記索隱

澍按左傳無字子三開乞書開字子彊是為陳或子炊鼻之戰冉監射開中手失弓而罵者當即晏子所謂田開疆也書字子占是謂孫書事景公司馬貞云鞅為僕御之臣故曰御鞅田氏之黨

成子當生襄子班班生莊子伯

檀弓下疏

澍按當疑作常即陳桓子乞之子也鮑昱曰陳成子有數十婦生男百餘索隱引世本云襄子名班莊子名伯又按史記成子生襄子盤盤生莊子白白生太公和遷齊康公於溝上左為諸侯司馬貞云紀季齊宣公十五季田莊子卒明季左田悼子悼子卒乃次左田和是莊子後有悼子蓋左季無幾所目作世本及史記者不得錄也而莊周及鬼言子亦云田成子殺齊君十二代而有齊國今據世本世家自成子至王建之歲祇十代若如紀季則悼子及侯剡即有十二代也

齊宣王名辟疆威王之子也

史記索隱



澹桮威王名因桓公之子也桓公名午太公和之子此田氏之齊威王在佐三十六季宣王在佐十九季

澹王名遂

史記索隱

澹桮史記澹王名地宣王子在佐四十季子法章去為襄王在佐十九季子建即佐四十四季聽后勝計降秦滅之為郡

國氏本懿伯生貞孟貞孟生成伯高父

史記索隱檀弓下疏

澹桮國懿父齊上卿國莊子也生或子佐佐生勝及弱靈公時佐殺慶克曰穀叛公殺佐及勝弱奔魯既而反弱嗣國氏是為景子佐孫惠子夏陳乞殺公子荼夏奔魯後有國書悼公時魯殺之書生觀平公時晉趙鞅圍衛觀及陳瓘救衛若

懿伯貞孟亦國氏族也成伯高父即檀弓所謂成子高

越甲至齊雍門狄請死齊王曰矢石未了何務死對曰臣聞王管田於園車轂鳴車右請死王曰此工師之舉子何事焉車右曰王不見工師之為乘而見車鳴車右遂刎頸而死越軍聞之

遂退

北堂書鈔

澹桮此不類世本本文說苑有之

衛謹

衛康伯名髡

史記索隱

宋衷曰康伯即王孫牟也事周康王為大夫左傳所謂王孫牟父也

澹桮司馬貞云牟髡聲相近故不同耳杜預世族謹作髡云



髦牟聲相近譙周古史考無康伯而云子牟伯也蓋目父子不宜俱諡康故因其名曰牟伯也又按馬融王通皆云康國名在千里之畿內既滅管叔聖封為衛侯其子始曰康為諡索隱之說未盡然也

康伯生考伯考伯生嗣伯嗣伯生摯伯摯伯生靖伯靖伯生箕伯箕伯生頃侯頃侯厚賂周夷王王命衛為侯史記索隱

澍按摯伯史記作處伯人表目靖伯為建子建宜為處字之譌箕伯作貞伯頃侯一引作頃伯又按孔安國曰方伯州牧也五代恒為方伯至頃侯德衰不監諸侯乃從本爵而稱侯非是至子而削爵及賂夷王而稱侯也

頃伯生僖侯僖侯生成公

史記索隱

澍按頃伯即頃侯五十二季子僖侯名羨五四十二季子成公名和史記曰和襲殺太子餘自立又云大戎殺幽王成公將兵平戎有功王命為公也又按左傳疏康叔周公弟成公康叔九世孫

戴公名申

閔二季疏

澍按昭伯宣公子戴公惠公朔庶兄元季狄敗衛宋桓公大戴公曰廬於曹許穆夫人賸載馳齊語注云公孫申

悼公名虔

史記索隱

澍按杜注悼公為蒯賸庶弟公子黜史記出公季父黔攻出



公而自太是為悼公太五季卒處伯黔昇世本異

悼公子敬公費史記索隱

澍按史記敬公太十九季卒費作弗

敬公生橈公舟史記索隱

澍按史記曰敬公生昭公糾是時三晉疆衛如小侯屬之六

季公子躋弒公代太是為懷公司馬貞曰敬公生橈公舟為

非

慎公子聖公馳史記索隱

澍按慎公悼公子也史記公子殯殺懷公而自太是為慎公

史記作聲公訓蓋古訓聖者聲也字得通用

聖公子成侯不逝史記索隱

澍按史記成侯名速司馬貞曰為穆公已名邀不可成侯夏

名速則世本是也成侯十六季衛貶號為侯在太二十九季

于平侯太在太八季子嗣君太五季夏貶號曰君獨有濮陽

獻公生成子當當生文子拔拔生朱為公叔氏檀弓下疏論語疏

澍按拔傳作發發拔字相通詩或王載旆說文土部引作載

坡荀子議兵篇引作載發何晏論語集解孔安國注作枝朱

子沿之誤也檀弓上有公叔木鄭康成曰木當作朱春秋作

成檀弓下亦作成事靈公公惡之曰其富也成又將去夫人

之黨夫人愬之公逐成成奔魯杜注成文子之子



靈公生昭子郢郢生文子木及惠叔蘭蘭生虎為司寇氏檀弓下疏

澍按公子郢字子南靈公子故又曰南氏子木即左傳公孫

彌牟字子之所謂公孫文子惠叔蘭檀弓曰為惠子蘭為衛

司寇蘭癭適子虎而大庶子及惠子蘭卒言偃變服弔彌牟

曰譏之而後虎去

文子生簡子瑕瑕生衛為將軍文氏檀弓上疏

澍按一引簡子瑕下無瑕生衛三字誤脫又按衛有公子瑕

字子適成公三季元咺去五季周欽治厘納成公殺瑕及其

弟子儀氏族略曰彌子瑕為公孫彌牟之孫非也彌子瑕在

靈公時彌牟在出公悼公世觀左哀二十五季傳二子崙後

相及

懿子兼生昭子舉舉生趙陽兼即趙驥也左定十四季疏

澍按一引驥上無趙字又按左傳靈公逐公叔成其黨趙陽

奔宋趙陽者趙驥孫驥嘗於靈公二季及諸侯之大夫會楚

子於陳

公孟彊靈公之子字公孟名彊左隱八季疏

澍按左傳孟縶襄公子公孟也母曰媯始縶之足不良杜注

公孟彊孟縶字正義云此實公孫而不稱公孫者縶字公孟

故即曰公孟為氏劉炫謂公孟生得賜族故彊即曰族告

孫氏出於衛或公至林父八世左成公十四季疏



澍按孫昭子衛同姓食邑於戚其後為孫桓子良夫良夫生  
文子林父林父生襄嘉蒯林父逐獻公於殤公獻公復入林  
父曰戚叛如晉孫氏遂絕

孔莊叔逢生得間叔穀穀生成叔烝鉏鉏生項叔羅羅生昭叔  
起起生文叔圉圉生慳禮記祭統疏

澍按羅當伯羈昭七季傳孔成子夢康叔謂已去元余使羈  
之孫圉弁史狗相之杜左注成子孔逢孫羈烝鉏子圉羈孫  
也又按左傳孔嬰齊事懿公熒澤之戰嬰齊殿逢其後也左  
傳叔皆作子

衛有大夫左公子洩右公子職廣韻

澍按魯桓公十六季左公子洩右公子職怨公去公子黔牟  
衛惠公來奔莊公六年公入殺之又按左注疏云蓋衛宣公  
之兄弟左右媵之子因曰為號

衛有王孫賈出自周頃王之後王孫賈之子自曰去王室久改  
為賈孫氏廣韻

澍按春秋分記云康叔子王孫牟之後王孫賈事靈公鄭澤  
之盟晉涉佗成何辱公公欲叛晉使賈問諸國人子齊事出  
公為大夫又按齊策王孫賈率十五弁市人殺淖齒是齊亦  
有王孫賈也趙昭王功臣有王孫賈見定五季傳說苑權謀  
篇有王孫商



秦誼

大業生栢翳

澍按索隱云大費一名栢翳尚書謂之伯益世本謂之栢翳今據補一引世本謂之伯益疑非又按史記正義云列女傳陶子生五歲而佐禹曹大家注陶子者皋陶之子伯益也按此知大業即是皋陶

仲滑生飛廉史記索隱

澍按仲滑即仲滑也戎胥軒納酈山氏所生胥軒仲衍曾孫

穆公名任好史記索隱

澍按穆公德公之少子在位三十九季子康公名瑩又按繆

昴穆同而蒙恬傳風信通皇霸篇曰為惡諡讀靡幼反

景公名后伯車史記注

澍按御覽引世本云景公名后伯車非是后伯車景公之弟鍼也非是曰下係仲子注駁正語也景公名后桓公之子在位四十季索隱云始皇本紀作哀公又云一作僖公

昭王名側史記索隱

澍按史記作昭襄王名稷稷昴側古字通而秦紀索隱引世本名則者字誤也昭王為或王異母弟在位五十六季

簡公之後次敬公次惠公史記索隱

澍按史記簡公懷公弟靈公季父也卒子惠公左無敬公而



紀季云簡公九年卒次敬公五十三季卒乃左惠公昇世本合劉伯莊云簡公是昭子之弟懷公之子厲公之孫今史記謂簡公是厲公子者誤

懷公生昭子昭子生靈公史記索隱

澍按史記懷公生靈公諸臣圍懷公懷公自殺肅靈公昭子子也司馬貞云世本無肅字五十年表同紀十三季

簡公名悼子即刺龔公之子懷公弟也史記索隱

澍按司馬貞云本紀簡公名悼子即刺龔公之子懷公弟也世本皆目為舛司馬遷云靈公子謬也人表作厲共公

惠公生少主史記索隱

澍按惠公簡公子少主史記作出公司馬貞云世本謂少主呂氏春秋作小主又按少主在二季自殺紀云庶長攻殺出子沈之淵旁

元獻公去二十四季史記索隱

澍按徐廣云靈公子史記獻公無元字呂氏春秋云名連六國表云名師隰史記云去二十三季本紀作二十四季表昇

世本合子孝公名渠梁

或烈王十九而去六三季史記索隱

澍按史記作悼或王享國四年惠文王子也

始皇名正史記注宋忠云呂正月旦生故名正



世本  
澍按司馬貞云世本作政又生於趙故曰趙政一云秦鼻趙  
同祖曰趙城爲榮故姓趙氏張守節云正音政周正建子之  
正也始皇曰正月旦生於趙因名政後曰始皇諱故音征

晉謚

唐叔燮子曼期爲成侯

史記索隱  
路史

澍按國都城記叔虞之子燮父徙居晉水傍改號曰晉曼期

古史考作曼旗史記作寧族

成侯子輻爲厲侯

史記  
索隱

澍按史記成侯之子服人暈爲成侯成侯子福暈爲厲侯

厲侯子靖侯宣曰

史記  
索隱

宋衷曰唐叔五代已下無季紀

澍按十二諸侯季表索隱引云唐叔五代孫厲侯子靖侯也

釐侯子蘇爲獻侯

史記  
索隱

澍按史記釐侯靖侯子名司徒子獻侯名藉司馬貞云世本

譙周皆作蘇

穆侯名弗生

史記  
季表

澍按史記獻侯子穆侯名費生鄒誕本伯弗生或作潰生

音秘

靖侯庶孫欒叔賓父

史記  
正義

澍按史記靖侯庶孫欒賓相桓叔

孝侯子郟爲鄂侯

史記  
索隱



澍按昭侯子平為孝侯侯表云世本佗卻索隱云他本佗都者非鄂邑卻其名鄂侯子哀侯

或公曲沃莊伯子韓萬莊伯弟

桓三季疏

澍按侯表莊伯桓叔子世家名繹史記周平王使虢公將兵伐曲沃莊伯莊伯奔保曲沃晉人共去鄂侯子光是為哀侯哀侯二季曲沃莊伯卒子稱代莊伯大是為曲沃或公小子侯元季曲沃或公使韓萬殺所虜晉哀侯賈逵曰韓萬曲沃桓叔之子莊伯弟

昭公生札桓公子雍雍生忌忌生懿公驕

史記索隱

澍按徐廣曰世本作桓子雍注云桓子雍戴子也又按釋史

引云昭公生桓子雍雍生忌忌生懿公驕又按忌為哀公

懿公生幽公桺幽公生烈成公止

史記索隱

宋忠注云幽公之時晉

衰反蕪韓趙魏之君

澍按史記幽公哀公子也其說誤紀季幽公敬公子也蓋懿公又諡敬公又按史記衰佗畏宋引改之季表魏誅幽公左其弟止也史記幽公淫婦人夜竊出邑中盜殺幽公紀季云夫人秦嬴賊公於高寢之上烈成公史記佗烈公

晉出公名鑿

史記索隱

澍按出公定公子史記佗鎰世表晉出公鎰十八季晉哀公忌二季懿公驕十七季而卒世家云晉出公十七季晉哀公



驕十八年而無懿公紀年出公二十三年奔楚乃左昭公之  
孫是為敬公史記出公奔齊道死智伯乃左昭公曾孫驕為  
晉君是為哀公哀公大父雍晉昭公少子號戴子生忌忌善  
智伯蚤死故智伯欲并晉未敢乃左忌子驕為君參互不一  
昇世本違舛

晉定公名午史記索隱

澍按定公頃公去厥子也子出公鑿又按釋史本作昭公孫  
曰人表為重出曰表岸已列定公也其說非是當云晉懿公  
哀公子蓋定公卒子出公左出公之後為懿公驕

孝公傾欣史記索隱

澍按六國表孝公為烈公子紀年曰孝公為桓公韓子有晉  
桓侯史記作孝公頎又按紀年桓公二十二年趙成侯韓共侯  
遷桓公於屯留已後更無晉事

孝公生靜公俱史記索隱

澍按世家作俱酒人表云晉靖公任伯為韓魏所滅豈有二  
名耶靜公二年魏成侯韓哀侯趙敬侯滅晉三分之靜公遷  
為家人

中行氏晉大夫逝邀生桓伯林父林父生宣伯庚庚生獻伯偃  
偃生穆伯吳吳生寅本姓荀自荀偃將中軍晉改中軍曰中行  
因氏焉元昇智氏同祖逝邀故智氏亦稱荀氏史記索隱



澍按僖公二十八季林父始將中行故改中行氏此云荀偃將中軍改中軍曰中行因氏焉其說非是偃字伯游諡獻子趙世家索隱引世本伯獻伯又按竹書云晉曲沃成公滅荀目賜大夫原氏黯為荀叔傳稱荀息云荀叔宜即原黯也

程鄭荀氏別族杜預左注

澍按成十八季疏曰世本有文又按成十八季傳程鄭為乘馬御杜注程荀氏別族是用世本為說也又按晉語注程鄭荀驩之曾孫程季之子驩林父弟也春秋分記云逝敖之孫荀驩諡文子食邑於程驩一作驩路史伯歡誤路史又謂逝敖曾孫荀歡亦非晉又有程嬰程滑

范氏晉大夫隰叔之子士蔦之後蔦生成伯缺缺生或子會會生文叔燮燮生宣叔句句生獻子鞅鞅生吉射也文十三季疏史記索隱

澍按成伯缺左疏伯士伯缺程克齋分記曰會為士穀子誤穀在後又按汲郡古文云成王八年王師滅唐遷其民於杜杜伯之子隰叔違難奔於晉生子與子與即士蔦也士蔦生士穀士缺生會食邑於范是為范或子故宣子曰吾主夏盟為范氏或云或子佐文襄輔成景是呂受隨范是士蔦初呂官為氏至會始呂邑為氏宣十七季杜注初受隨為隨或子後受范為范或子焦竑曰士穀士會士蔦當伯士蔦承杜伯之後士即杜也齊詩自杜沮漆古文尚書雲杜夢作父呂



氏春秋杜伯乘馬可證也然考晉語訾祐曰隰叔子違周難於晉國生子輿為理韋昭曰理士官也班固亦言晉主夏盟為范氏范氏為晉士師是范氏先呂官為氏呂士為杜說亦未然

智氏本逝遊生莊子晉首生或子瑩瑩生莊子朔朔生悼子盈盈生文子櫟櫟生宣子甲甲生智伯瑤史記索隱

澍按荀首字知季林父之弟為下軍大夫瑩字子羽為中軍將左傳呂朔盈皆為瑩子也盈字伯夙為下軍佐櫟史記作躒佐下軍甲生子二宵瑤嗣卿甲呂覽作申誤瑤謚襄子子開見史記季表

辛舌氏叔向兄弟有季夙昭五季疏

澍按閔二季傳辛舌大夫正義引譚云辛舌氏晉之公族辛舌其所食邑也杜注辛舌職叔向父新唐書或公曾孫突辛舌大夫也又按左傳辛舌四族注銅鞮伯欒叔魚叔虎兄弟四人服虔數伯欒叔向叔魚季夙正義曰季夙即叔虎非也叔季兄弟之次且叔虎已死不得并四族之數劉炫曰為別有季夙而規杜氏其言良是唐宰相世系云辛舌職五子赤肸鮒虎季夙赤字伯欒肸字叔向鮒字叔魚虎字叔罷號辛舌四族叔向食邑於楊又曰楊肸叔虎一云字叔虎

孫伯爨生司空頡頡生南墨叔子叔子生叔正官伯官伯生司



徙公公生曲沃正少襄襄生司空大伯大伯生侯季子季子生  
籀游游生設設生秦左昭十五季疏

澍按一引孫伯廡作籀廡官伯春秋分記作宮正司空作司  
功左傳王曰孫伯廡司晉之典籀曰為大政故曰籀氏杜注  
廡晉正卿籀設九世祖韋昭云籀偃晉大夫籀季之子籀游  
也偃字游索隱引世本云籀秦者大夫籀游之孫籀設之子  
又按設字叔故曰叔氏亦曰籀父事昭公子秦事頃公為上  
軍司馬新唐書荀林父之孫曰籀偃一曰孫伯廡曰字為氏  
其說舛誤林父在僖公時相去勵百季安得自孫曰下復傳  
九世乎鄭樵曰廡為文侯弟陽叔伯廡恐非羅泌謂籀氏為

荀之別族孫即荀也

郤豹生冀芮冀芮生缺缺生克左成二季及十一季疏

澍按氏族略云文子叔虎豹食邑於郤因曰為氏廣韻云信  
作郤王符云芮從邑氏冀周語云字子公郤豹字叔虎獻公  
伐翟桓豹被羽先登遂克之子芮悔納文公謀作亂秦伯誘  
殺之缺即郤成子趙盾卒缺為政克獻子也克子錡食采於  
駒字駒伯

郤豹又生義義生步揚步揚生州左僖十五季疏左成十一季疏

澍按左傳步揚御戎注郤犇父廣韻揚食采於步遂曰為氏  
州即犇也潛夫氏姓志作讐誤犇為郤克從祖昆弟杜氏曰



爲從父兄弟誤路史云雙別采苦成故曰苦成叔諡文子

步揚生蒲城雒居蒲城雒居生至左成二季疏

澍按至字季食邑於温又曰温季佐新軍爲長魚矯殺晉語

作郤昭子

晉蒲邑大夫公佗世卿廣韻

晉有英成僖子廣韻

澍按廣韻英字韻下又引云晉有大夫英成僖子而姓氏急

就章引云晉大夫菱氏僖子王氏既誤而廣韻英英亦必有

一誤

鄭謹

或公名突滑古史考

澍按史記作掘突索隱云非也昭公名忽厲公名突豈有子

孫同名乎蓋舊史雜記昭厲之名誤巨爲或公字耳

鄭伯費是鄭悼公穀梁成六季疏

大夫子游子瑕也公孫夏之子駟氏左昭十七季疏

澍按杜注子瑕子游叔父公孫夏子是子游乃駟帶之子駟

偃也子瑕駟乞也瑕一引作瑜誤又按公子偃字子游是爲

游氏偃生公孫薑薑生游販販生良及吉游販奪人妻其夫

殺販於是癸游良而左吉吉生速吉之從祖曰游楚亦穆公

孫又按公子駟字子駟是爲駟氏駟生公孫夏夏生駟帶駟



乞帶生偃偃生絲偃卒絲弱其父兄太乞乞生顓公孫黑生  
駟印黑欲去游氏而代其位公孫僑討之黑縕又有駟印字  
子般聲公時齊輸晉范氏粟印送之又有駟秦嬖大夫也富  
而侈嘗陳卿之車服於其庭國人惡而殺之

鄭有子師僕廣韻

澍按鄭簡公三年冬十月尉止司臣堵汝父戾晉子師僕帥  
賊目入晨攻執政于西宮之鞠殺公子駟公子發公孫輒國  
人攻之殺尉止子師僕

陳謹

陳胡公滿史記索隱宋忠曰虞思之後箕伯直柄中衰殷湯封遂於

陳昌為舜後是也

澍按詩陳風謚滿闕父之子左注賜姓曰媯世家亦曰媯滿  
魯語注曰胡滿

厲公躍左桓十季疏

澍按桓十二年疏云陳世家言蔡人為佗殺五父及桓公太  
子免而太佗是為厲公太子免之亾弟躍林杵曰共殺厲公  
而躍太是為利公既曰佗為厲公又稱躍為利公世本原無  
利公皆是馬遷妄說東哲言遷分一人曰為兩人曰無為有  
謂此事也又按厲公是桓公子其母蔡女人表昌厲公為桓  
公弟疑非



陳大夫宣公生子夏夏生御叔御叔生徵舒舒生惠子晉晉生  
禦寇禦寇生悼子齧左昭公二十二年疏

澍按昭二十三年獲陳夏齧杜注徵舒子孫據世本悼子齧  
是徵舒曾孫杜注自為子孫誤也世族譜云悼子徵舒三世  
孫

鍼宜咎陳鍼子八世孫左襄公二十四年疏

澍按鍼子陳大夫事桓公桓公三十年鄭公子忽來逆婦媯  
夏四月呂媯氏歸鍼子送女先配而後祖鍼子曰是不為夫  
婦誣其祖矣非禮也何自能育宜咎黨慶虎慶寅國人討慶  
氏之黨宜咎出奔楚為楚箴尹

少西子穆僖子子穆安後史路

澍按徵舒祖子夏也字少西是為少西氏

僖子生廩丘子尚史路

子占子沮烈子後史路

僖子子苾後史路

桓子石生子石後史路

陳有鬪門氏廣韻

蔡謚

蔡平侯者靈侯般之孫太子友之子史記正義

澍按靈侯景侯固之太子在位十二年平侯名廬隱太子之



子在佐八季徙新蔡見地理志隱太子即太子友左傳世  
子有靈侯十二季楚滅我用世子有於岡山平侯即佐諡曰  
隱史記云平王乃求蔡景侯少子盧大之是為平侯而人表  
亦謂為景侯子皆誤

楚謹

陸終子其六曰季連是為芊姓季連產付沮氏付沮氏產穴熊  
九世至於渠婁鯀出自熊渠有三人其孟之名為庸為句祖王  
其中之名為紅為鄂王其季之名為疵為就章王太平御覽  
澍按史記集解引世本云季連生附沮孫檢云沮伯祖索隱  
引世本云熊庸為句祖王疵為就章王楚世家云熊渠生子

三人左其長子康為句亶王中子紅為鄂王少子執疵為越  
章王司馬貞曰世本康伯庸亶伯祖執疵無執字越伯就又  
按大戴禮庸伯無康就伯戚

熊渠封其中子紅為鄂王

水經注  
路史

澍按左正義曰鄭語孔晁注云熊繹子孫曰熊摯有疾楚人  
廢之去其弟熊延熊摯自弃於夔子孫有功王命為夔子索  
隱據古史考熊渠卒子熊翔去卒長子摯有疾少子熊延去  
又按九州要記鄂國今武昌東鄂也

穆王生王子揚揚生尹尹生令尹何

左昭十  
七季疏

澍按穆王名商臣成王之太子子莊公名旅史記伯何宜



伯句陽句子瑕也又按左傳子揚即令尹鬬般子揚之子為箴尹克黃也

楚成王墓在豫州新息史記正義

澍按成王名熊通蚡昌之弟自左為成王地理志伯熊達左傳始僭號稱王皇覽云楚成王家在汝南郡鮦陽縣葛陂鄉城東北民謂之楚王岑澹永平中葛陂城北祝墨社下於土中得銅鼎而銘曰楚成王由是知成王之冢民傳言秦頃赤眉之時欲發之輒積壤填壓不得發也又按此係宋忠注文

康王名招史記索隱

澍按史記伯名昭共王之子也子邲敖名麋

頃襄王卒太子熊完去是為考烈王史記索隱

澍按據史記頃襄王即懷王槐之子淮南子曰頃襄王好色不使風議而民多昏亂其積至昭奇之既史記完伯元東徙都壽春命曰郢子幽王悍李園女弟所生

為艾獵孫叔敖之兄為子馮艾獵之子左襄十五年疏

澍按高誘呂氏春秋注孫叔敖令尹為賈之子左傳杜注艾獵孫叔敖也服虔云為艾獵孫叔敖也穎容釋例亦曰艾獵孫叔敖為一人襄十五年傳為子馮為大司馬注云叔敖從子世本馮是艾獵之子此明文可據正義曰世本轉寫之誤非也近時蕭山毛奇齡辯叔敖非楚公族並非為氏乃期思



之鄙人盧昭弓云竊案左氏宣十二年傳隨或子云為敖為  
 宰擇楚國之令典軍行右轅云云下令尹南轅反旆又云王  
 告令尹改乘轅而北之是為敖即孫叔敖軍事皆主之崙一  
 季令尹為艾獵城沂比季之閒楚令尹不聞置兩人知分篇  
 雖有孫叔敖三為令尹而不喜三去令尹而不憂之語乃是  
 子文之事誤記耳况在軍中必無輕易廢置之理其為一人  
 無可疑漢時孫叔敖碑君名饒字叔敖未知何據

葉公楚縣公葉公子高緇衣注疏

樹按論語疏引世本云楚大夫沈諸梁食采於葉僭稱公

屈蕩屈建之祖父左襄二十五年杜注

樹按屈蕩事莊王生到到生建建生又別有屈蕩事康王  
 康王曰屈到為莫敖蕩為連尹到卒曰建為令尹蕩為莫敖  
 蕩生申申亦為莫敖事靈王

平王孫有田公它成荀子注

楚有大夫恒思公廣韻

楚大夫涉其帑廣韻

樹按左傳藍尹疊涉其帑謂曰舟涉其帑不弁王舟也故外  
 傳云載其帑則帑非人名涉其亦非姓也未知世本何曰舛  
 誤至此

秦將王翦滅楚孫檢曰秦虜楚王負芻滅去楚名曰楚地為秦



郡史記

澍按秦將王翦蒙成破楚國虜王負芻也

韓謹

韓萬曲沃桓叔之子

史記索隱

澍按桓三季疏引世本云韓萬莊伯弟史記云韓萬莊伯之弟曲沃成公之叔父服虔左注韓萬曲沃桓叔之子莊伯之

弟昇世本合

桓叔生子萬子萬生隸伯隸伯生定伯簡簡生興興生獻子厥

史記索隱

澍按厥為萬之曾孫杜注左云元孫誤又按成二季疏引世

本云桓叔生子萬子萬生隸伯隸伯生子興子興生獻子厥

又宣二季疏引此文並脫定伯簡一代之子興韋昭注作子鎮

厥生宣子起起生平子頃

左傳疏

澍按吳世家正義引世本云宣子名秦索隱引世本云平子

名頃宣子子也頃春秋分記引世本作須平子史記作貞子

又按厥長子无忌是為公族穆子悼公左使為公族大夫起

四子須叔禽叔椒子羽杜左注曰厥為即韓起韋國語注曰

厥為韓獻子之子无忌弟疑誤

簡子名不信

史記索隱春秋分記

澍按不信字伯音起之孫事定公趙世家亦有簡子名不佞



徐廣曰史記多無簡子莊子而云貞子生康子班氏亦同

莊子名庚史記索隱春秋分記

澍按莊子簡子之子春秋分記引世本云韓平子須生簡子

不信不信生莊子庚庚生虎

康子名虎史記索隱春秋分記

澍按晉語注云康子韓宣子之曾孫莊子之子虎也人表曰

虎為貞子子呂覽任數注謂貞子生康子疑誤

成子名啟章康子之子史記索隱

澍按成子二季弒其君幽公紀季晉烈公元季韓成子都平

陽呂覽任數注云都宜陽

景子名虔史記索隱

澍按景子史記作景侯成子之子

景子子成侯斯史記索隱

澍按史記韓列侯名取成侯名擊世本無列侯也又按索隱

引世本云成侯取

成侯子文侯

澍按文侯列侯子也見六國表索隱云紀季無文侯世本無

列侯是世本有文侯也今補又按文侯子哀侯

懿侯史記索隱

澍按史記韓世家哀侯子懿侯季表懿侯作莊侯又紀季云



韓山堅賊其君哀侯而韓若山左若山即懿侯也世本無名

世家名若疑脫山字

韓宣王昭侯之子

史記索隱

澍按史記作宣惠王

趙諡

公明生共孟及趙夙夙生成季衰衰生宣孟盾

史記索隱

澍按成十季疏引世本云公明生趙夙定十三季引世本云

趙衰趙夙之弟又按國語趙衰趙夙弟也字子餘諡成子晉

語韋注衰公明之少子按夙昇衰世次相懸不應為弟兄史

記云夙生共孟共孟生衰呂衰為夙之孫然趙夙事獻公趙

衰事文公季相當也不應衰為趙夙孫焦氏易林云伯夙奏

獻衰續厥緒則非兄弟明矣世本為是譙周呂世本為誤非

也

趙夙為衰祖穿為夙之曾孫

左宣公二季疏

澍按杜左注夙為趙衰兄世本乃云夙為衰祖杜預說非也

又注穿為趙夙庶孫定十三季傳正義曰世本趙衰趙夙之

弟也衰之後為趙氏夙之後為耿氏據此夙邑於耿呂耿為

氏穿之後又呂邯鄲為氏

景叔名成

史記索隱

澍按昭七年傳子產適晉趙景子問焉杜注景子晉中軍佐



趙成趙成子也左傳作景子世本作景叔不同耳

代成君子起卽襄子之子史記索隱

澍按司馬貞曰代成君名周伯魯之子襄子之孫也世本誤

襄子子桓子名嘉史記索隱

澍按史記云襄子弟桓子逐獻侯自去於代昇世本違又按

自趙夙至襄子凡九世

敬侯名章史記索隱

澍按敬侯烈侯太子也司馬貞曰紀季云魏成侯曰桓公十

九年卒韓哀侯趙敬侯也曰桓公十五年卒又趙世家烈侯

十六年昇趙分晉封晉君端氏其後十年肅侯徙晉於屯留

不同也

成侯名種史記索隱

澍按成侯敬侯章子竹書云成侯名偃成侯元年公子勝昇

成侯爭去爲亂在位二十五年

肅侯名語史記索隱

澍按肅侯成侯子成侯卒公子緤昇太子肅侯爭去緤敗

奔韓肅侯元年奪晉君端氏徙處屯留又按國策補注云世

本名言疑字脫其半肅侯子或靈王名雍

孝成王丹生悼襄王偃偃生今王遷史記索隱

澍按孝成王丹惠文王太子也在位二十一年悼襄王在位



九季徐廣云王遷無諡司馬貞云今史記獨稱幽繆王者蓋秦滅趙之後人臣竊追諡之太史公或別有所見而記也又按淮南子秦流王遷於房陵思故鄉作山木之謳聞者莫不隕涕

魏謹

畢萬生苾季季生戎仲州州生莊子絳絳生獻子茶茶生簡子

取取生襄子多多生桓子駒駒生文侯斯

禮記正義

澍按絳一引作降史記世家作絳又云戎子生悼子司馬貞云世本戎仲生莊子絳無悼子而居篇曰魏悼子徙霍則是有悼子世本卿大夫代自脫耳廣韻引世本云魏絳莊子史

記世家魏絳諡佗昭子徐廣曰世本佗莊子司馬貞曰世本鎔也居篇又云昭子徙安邑亦并此文同左傳亦佗莊子索隱引世本云畢萬生苾季苾季生戎仲州禮記正義引世本云萬生苾苾生季目一人為二人恐誤左傳戎子名犇州犇聲相近字因目異代亦不同一引云曼多生桓子駒又按史記晉文公令魏戎子襲魏氏之封列為大夫治於魏生悼子悼子徙治霍生魏絳徙治安邑魏絳卒諡為昭子生魏嬴嬴生魏獻子獻子生魏侈侈之孫曰魏桓子桓子孫曰文侯都世次异世本不同

士獻子名荼茶莊子之子

史記索隱



澍按茶卽舒字故史記作舒又史記絳生魏嬴嬴生獻而世本無魏嬴同左氏

獻子生簡子取取生簡子多

史記索隱

澍按多卽左傳魏曼多也史記魏襄子生魏侈司馬貞云侈一本作侈字誤世數亦錯則侈是襄子中間少簡子一代

桓子生文侯斯

史記索隱

澍按司馬貞云傳曰孺子疾是魏駒之子非此世代亦不同也斯史記作都

錡魏犇孫

左宣十季疏

澍按宣十二季傳晉魏錡求公族未得正義曰世本目爲犇

孫服虔左注云錡魏犇子疑服說非

魏惠王生襄王嗣襄王生昭王遯

史記索隱

澍按惠王名瑩或侯之子卽佐稱王追尊父惠王爲王昭王哀王子哀王卒昭王三季喪畢始稱元季五十九季卒今國策補注遯作速又按荀勗曰和嶠云紀季起自黃帝終於魏之今王今王者魏惠成王子於世本蓋襄王也按太史公書惠成王但言惠王惠王子曰襄王襄王子曰哀王惠王三十六季卒襄王五十六季卒并惠襄爲五十二季今按古文成惠王五十六季改元稱一季改元後十七季卒太史公書爲誤分惠成之世目爲二王之季數也世本惠王生襄王而



無哀王歿則今王者魏襄王也又按史記魏世家及孔衍叙魏語皆有哀王而世本無哀王一代蓋脫耳

昭王生安僖王名圜

史記索隱

澍按昭王哀王子安僖王一引作安釐王古字通也史記僖

王昭王子太三十四卒

安僖王生景愍王午

史記索隱

澍按史記作景湣王太十五卒子王假太三季秦虜王假

滅魏為郡縣

吳謹

壽夢生夷昧及僚夷昧生光

左昭二十七季疏

澍按公羊傳謁也餘祭也夷昧也昇季子同母者四人史記紀壽夢四子亦約公羊文但曰僚為餘昧子光為諸樊子為異耳徐廣引吳越春秋云王僚夷昧子歿左氏屈狐庸對趙文子謂夷末甚德而度其天所啟也必此君之子孫實終之若曰僚為夷昧子不應此言又光言我王嗣則光是夷昧子僚是壽夢庶子也服虔云夷昧生光而廢之僚者夷昧之庶兄夷昧卒僚代太故光曰我王嗣也是用公羊為說也杜預言光諸樊子是用史記為說也

吳拔釐終犁

路史注

澍按史記作鍾離云吳之邊邑卑梁身菴邊邑鍾離爭桑兩



家交怒瞿王滅卑梁吳王亦發兵使公子光滅鍾離也事在

諸樊九季

燕謹

燕幽州郡北燕

太平御覽

宋衷云有南燕故名北燕

澍按南燕姑姓伯儵國在鄭衛之間北燕伯欵姬姓在晉之

北

召穆公是康公之十六世孫

詩正義曰依世本云

澍按服虔左傳解詁云召穆公召康公十六世孫為王卿士

燕惠侯卒釐侯去釐侯卒頃侯去頃侯卒哀侯去哀侯卒鄭侯

去鄭侯卒繆侯去繆侯卒宣侯去

澍按宋衷據大史公書補世本其文又闕今仍依史記補之

燕自宣侯已上

一作下

皆父子相傳故無所疑桓侯已下並不言

屬其難明故也

史記索隱

澍按譙允南引世本之言如此索隱云世本無燕代系宋忠

依太史公書自補其闕尋徐廣作音尚引世本蓋近代始散

逸耳

襄公卒桓公去桓公薨閔公去

史記索隱

澍按史記閔公作文公司馬貞云世本自上文公為閔公則

閔弁潛同而懿公之父又諡文譙周曰世家襄伯生宣伯無

桓公今檢史記並有桓公去十六季宋忠據此史補世本亦



有桓公是燕有三桓公也是譙允南所見本異又按索隱云  
燕四十二代有二惠侯二僖侯二宣侯三桓侯二文侯蓋國  
微失本諡

燕王喜

澍按顏氏家訓云世本左丘明作而有燕王喜蓋後人驛入  
非丘明本文又按史記燕王喜之三十三季燕亡

杞謹

杞共公靖公子生惠公惠公左十八季生成公及桓公成公左  
十八季桓公左十七季史記索隱宋忠云杞今陳留雍丘縣蓋周封  
杞居雍丘至春秋時杞已遷東國故左氏隱四年傳云莒人伐

杞取牟婁牟婁者東邑也

澍按高誘曰共公名襄昭公之子惠公史記作德公又脫成  
公一代下云弟桓公姑容左非也此據徐廣注引世本又按  
桓公十七季尚史作七十季誤

桓公成公之弟

左襄六年  
季疏

澍按譙周古史考云惠公生成公及桓公蓋本此書而言杜  
預左注成公行夷禮且終其身故于其卒經書子且貶之  
勝謹

鎰叔繡文王子封於滕

漢地理志  
水經注

宋忠云今沛國公丘是滕國

也



澍按左傳郈雍曹滕文之昭也班固曰錯叔繡為懿王子未詳所據

隱公之後仍有六世孫左隱七季疏

澍按通考隱公名虞母

考公麋元公弼即定公文公也趙歧孟子注

澍按趙歧孟子注古紀世本錄諸侯之世滕國有考公麋弼文公之父定公相直其子元公弼弼文公相直但後世避諱改考公為定公吕元公行文德故謂之文公也又按諡法大慮行節曰考安民大慮曰定主義行德曰元慈惠愛民曰文義亦相通

齊景公亡滕左隱七季疏

澍按左隱七季疏云按齊景公之卒在滕隱之時世本言隱公之後仍有六世為君而云齊景公亡滕為謬何甚服虔左注亦云齊景公亡滕是依世本為說也

曹誼

曹戴伯子惠伯兕據史記補宋忠云曹今濟南定陶縣孫檢云兕音

徐子反曹惠伯或名雉或名弟或復名弟兕也

澍按史記正義言孫檢亦注世本此為世本注文故據史記補之又按戴伯蘇幽伯疆之弟也殺幽伯自去惠伯兕季表伯惠公伯雉



穆公子桓公終生

史記集解

孫檢云一作終涅涅音生

澍按惠伯子后甫卽位其弟或殺之代大是爲穆公三季卒

桓公大在位五十三季

悼伯卒弟露靖公大

史記索隱

澍按史記悼公薨弟聲公野大平公弟通殺之代大是爲隱

公四季聲公弟露殺之露自大是爲靖公在位四季又按譙

周云春秋無其事檢世本悼伯卒弟露大諡靖公實無聲公

隱公是蓋彼文自疏也

邾謹

邾國曹姓陸終弟五子曰安周成王封其苗裔挾爲附庸居邾

挾之後顏

左莊公五年疏

澍按邾或公名夷字顏杜預小邾謹謂之夷父路史作伯顏

公芊云邾婁顏蓋邾復遷婁故曰邾婁也或云邾人語聲後

曰婁如何吳於越之比又按公芊謂顏目亂魯被誅大其弟

叔術叔術致國於其子夏父

邾謹

邾莊公名頹

澍按劉原父孟子外篇注高誘引世本云邾莊公名頹今據

補又按竹書紀年晉烈公四季越子末旬滅邾曰邾子鳩鬻

鳩字鼻頹字相侶







